

Wir^a Hartmann² Von Gottes genaden Bischof ze Chûr vergehent vnd tûgint Kunt für Vns vnd Vnnsere Gotzhus Vnd für all Vnser / erben vnd nachkomen mit diesem brief von der gûlt vnd gelt-schult wegen so wir schuldig sint vnd gelten sont dem fromen bescheiden / hansen korber genant schneberg Burger ze Lindow³ an der selben gûlt im abgangen ist vnsere lieber Bruder selig Graf h a i n r i c h v o n w e r d e n b e r g / v o n S a n g a n g s⁴ an desselben vnsers brüders seligen statt Wir demselben schneberg ze ainem andern angûlten gesetzt Vnd erbetten habint / vnsern lieben vettern Graf hainrich von Montfort herren ze tettnang⁵ der ôch dem selben hansen schneberg gelopt verhaissen vnd verbriefet hât sin vnd / siner erben rechter angûlt dar vmb ze sind an dez egenanten vnsers brüders seligen stat vnd alles dz wâr vnd stât ze halten vnd ze laisten/ so derselb vnsere brüder selig verhaissen hât, nach vrkünd Lut vnd sag dez selben Schnebergs rechten versigelten hoptbriefs so er vmb die gûlt / von Vns innhât, Wan nu der selb vnsere vetter Graf hainrich von Montfort herr ze tettnang von vnsere flissigen vnd ernstlichen bett wegen mit / vns hinder die gûlt gangen ist, da von so haben Wir obgenanter Bischof h a r t m a n dem selben vnsere vettern gelopt vnd verhaissen. Wie / er oder sin erben von der selben angûltschaft Vnd gelûpt Wegen iemer ze schaden koment oder schadhafft werdent es sy von laistent / von verpfendent oder von ander sach wegen, daz da mit nammen Wir vnd vnsere Gotzhus vnd all vnsere erben Vnd nachkomen In vnd / all sin erben von allem schaden lösen wisen Vnd vnklaghafft machen sont, gântzlich ân ireden schaden vnd vmb den schaden ireden schlechten / Worten ze gelôbent ân all aid vnd erlôbent darumb Jm vnd sinen erben Vnd helfern vns vnd vnsere gotzhus vnd vnsere erben vnd nachkomen / darumb angegriffent ze nôtent ze pfendent, an allen vnsern vnd vnsers Gotzhus lûten vnd gûtern ansetten ingerichten oder vff dem / land Wa vnd War si wend kunent oder mugent mit gericht, oder ân gericht als vil als dik als Lang vntz dz er oder sin / erben von der egenanten angûltschaft gântzlich erlöst vnd vnklagber gemachet werdent, da vor ôch vns noch vnsere gotzhus noch vnsere / erben vnd nachkomen nütz schirmen noch deken sol gaistlich noch weltlich gericht, bann noch acht noch sunderlichen kain sach vf / zûg fund list noch kain sach so ieman erdenken mag Vnd sond ôch da mit nit gevrâfelt noch missvaren hân in kainem / wis ân all geuerd, Dirr ding aller ze warem offen vrkünd Vnd bestâten vesten sicherheit Geben wir obgeschribner h a r t -